

BOSNA I HERCEGOVINA
FEDERACIJA BOSNE I HERCEGOVINE
VLADA
GENDER CENTAR
FEDERACIJE BOSNE I HERCEGOVINE

BOSNIA AND HERZEGOVINA
FEDERATION OF BOSNIA AND
HERZEGOVINA
GOVERNMENT
GENDER CENTER OF THE FEDERATION
OF BOSNIA AND HERZEGOVINA

Broj: 01-45-1-586-3/20
Sarajevo, 10.12.2020. godine

Na osnovu potpisanog Provedbenog sporazuma između Gender Centra Federacije Bosne i Hercegovine i Ministarstva za ljudska prava i izbjeglice Bosne i Hercegovine kojeg zastupa Agencija za jednakopravnost spolova BiH (broj: 03-05-267/19) za projekat „Jačanje kapaciteta institucija za rješavanje rodno zasnovanog nasilja u Bosni i Hercegovini“ finansijski podržanog od strane USAID-a, Gender Centar Federacije Bosne i Hercegovine objavljuje

JAVNI POZIV

za odabir asistenta na projektu

O USAID projektu

Gender Centar Federacije Bosne i Hercegovine kao stručna služba Vlade Federacije BiH zadužena je za koordinaciju izrade i praćenja provedbe strateških dokumenata u oblasti nasilja u porodici. S ciljem podrške realizaciji obaveza prema Konvenciji Vijeća Evrope o sprečavanju i borbi protiv nasilja nad ženama i nasilja u porodici - Istanbulska konvencija („Službeni glasnik BiH“, broj 19/13), Akcionom planu za provedbu Strategije za prevenciju i borbu protiv nasilja u porodici za period 2018-2020 („Službene novine Federacije BiH“, broj 102/18) i članovima 36., 37. i 39. Zakona o zaštiti od nasilja u porodici („Službene novine Federacije BiH“, broj 20/13) pripremljen je projekat pod nazivom „Jačanje kapaciteta institucija za rješavanje rodno zasnovanog nasilja u Bosni i Hercegovini“. Za navedeni projekat je dana 1.8.2019. godine potpisan Provedbeni sporazum između Gender Centra Federacije Bosne i Hercegovine i Ministarstva za ljudska prava i izbjeglice kojeg zastupa Agencija za jednakopravnost spolova BiH (broj: 03-05-267/19), a finansijski je podržan od strane USAID-a.

Cilj provedbe projekta je funkcionalna horizontalna i vertikalna uvezanost institucija i organizacija koje rade na preventivnom djelovanju, postupanju i zaštiti u slučajevima nasilja u porodici. Kroz projekat je podržan rad i razvoj kantonalnih koordinacionih tijela i općinskih multisektorskih timova, prema članu 37. i 39. Zakona o zaštiti od nasilja u

porodici („Službene novine Federacije BiH“, broj 20/13), kao i rad Stručnog tima u vezi člana 36. Zakona.

Za potrebe realizacije projektnih aktivnosti i praćenja provedbe projekta planiran je angažman asistenta na projektu za period januar-mart 2021.

Cilj:

- Podrška provedbi projekta

Zadaci i aktivnosti:

- Izrada plana koordinacije Gender Centra na implementaciji aktivnosti za period trajanja projekta „Jačanje kapaciteta institucija za rješavanje rodno zasnovanog nasilja u Bosni i Hercegovini“ (koordinacija sa nadležnim kantonalnim i općinskim organima, nevladinim organizacijama),
- Praćenje provedbe aktivnosti i terenska posjeta kantonima i općinama obuhvaćenim projektom (korištenje vlastitog vozila uz naknadu putnih troškova)
- Davanje smjernica i pružanje stručne podrške svim ključnim akterima za poboljšanje realizacije projekta,
- Praćenje indikatora provedbe projekata i strateških aktivnosti u ovoj oblasti,
- Sačinjavanje narativnih izvještaja za potrebe projekta,
- Obavljanje drugih poslova vezanih za realizaciju projekta i strateških aktivnosti po nalogu ravnateljice Gender Centra, u smislu prezentiranja i promocije ciljeva, kao i ostvarenih rezultata na projektu.

Trajanje

- Asistent će biti angažovan u periodu januar-mart 2021. godine (tri mjeseca)

Opis :

- Asistent na projektu

Uslovi:

- Visoka stručna sprema
- Iskustvo u provedbi projekata
- Vozačka B kategorije
- Vlastito vozilo

Uz prijavu potrebno je dostaviti:

- Biografija
- Dokaz o iskustvu u provedbi projekata
- Fakultetska diploma
- Kopija vozačke dozvole

Dokumentacija i način podnošenja projektnog prijedloga:

- Prijava, biografija i dokumenti kojim se dokazuju tražena iskustva se dostavljaju lično ili putem pošte u štampanom obliku, u koverti na kojoj će jasno pisati: „**Prijava za odabir asistenta na projektu**“ na adresu:

Gender Centar Federacije BiH

Ul. Put života br. 2, 71000 Sarajevo, BiH

- Prijave se dostavljaju najkasnije do 21.12.2020. godine do 12:00.
- Kandidati/kinje koji/e budu zadovoljili/e tražene uslove bit će pozvani na intervju.

Sve prijave koje budu dostavljene na adresu Gender Centra Federacije BiH nakon definisanog roka neće biti razmatrane.

